

**Tile Nono  
Kiuana**

**Pulubekulupu  
Qhiveakeshea?**

*Akumzapu Kuchouqo  
Kiphi Kichekutsu*

**1**



**Adoaghuloki** papashi kilive akeulo eno lakhino lakhi khukile akeu ghulokilo kughou iqemokeu shoqhiqo eno xaphekulupu kumlaqo hu mikhe ighivenikeno; eno kughou aghungu kumla lo pulubecekemi sakiphemiqo pesu kichileu ipi phuphevenikeno, kughou nono pulube cekemiqo no papashi oghuza auvenikeno— tile nono pulube Lukepu kiuana qhiveakeshea? Iye, noye Baibel shou qhoi pulubelunani! Kiu ghenguno noye Baibel shou pulubelunani ipikea? Ninguno tipau ghili michitsunikeu lakhi phujuni ...

1

## Baibel no kishi palikhi pa ghili kiu pikea?

Baibel no pi, “Kuchoyesu kumtsu Alhou no muzusutsukeu ke” (2 Timothy 3:16)  
“Tungkuputsaqo ye timi pulou lono ighike kumo, ikemu Alhou timi akimithemiqo no Akimithe Ghungu no panongu mulo kipekulhutsu keu lono pipe qhitsuke” (2 Pitor 1:21)  
“Kuchoyesu ye khilemu hephovemla momu kilivemla” (Johan 10:35).

**Khokichile:** Baibel no pi akeye Akimithe Ghungu no muzusutsuke ipi ani. Akimithe Ghungu no kichetsukeu toi akimithemiqono yehpe qhitsu eno tipau lo tsapeqo ye hephovemla momu pesu kichileuke ipivemla.

2

## Jisu ye kishi Kuchoyesu shou pulube che eno tipau ghili kishi hepho piyesutsu kea?

Jisu no pi, “Hitoi yehpuani, “timi ye asho likhino xuluchemo, ...” Itaghi hitoi yehpuani, “Noye Ampeu o Lhou ghujukevilo, ...” Kughengu hitoi yehpuani, noye Ampeu o Lhou likhi mlla lo eno Pa likhi huthu lo” (Mathi 4:4, 7, 10). “O tsano panongu shikimithe tsulo, kughengu O tsano kuchouke” (Johan 17:17).

**Khokichile:** Satan no Pa ghujukelo Jisu ye Kuchoyesu lo tsa ikhiphelu. Pano Baibel lo tsa pesu kuchou ke ipi (Johan 17:17). Jisu no timiqo kutsuke kumtsulo Kuchoyesu lo tsa ikhipheluno Pa kukutsu yehkipe kuka (authority) lakhi shi ghi peithache.





3

## Baibel lo tungkuputsaqo ye kishieno Akimithe lono muzusutsuke ipi shikumtotsu kea?

Baibel no pi, “Niye Ampeu ke, ... Ino thimeqo pephetsu ani; tipaqo shi ipeghimphi zuuno Ino tipaqo ghili pesu nongu vilo piveake” (Isaya 42:8, 9). “Ino Alhou ke, ... Ni ye hukuthu lono ashekha lo ghili pephe piyesuve cheni, eno thimeqo shi ipeghimphi zuu mulho ghulokiuno Piyekusuve cheni” (Isaya 46:9, 10).

**Khokichile:** Baibel lono ighinikeu lo ghili pichho puwotsukeu achipilo shikupuveke ghenguno Kuchoyehsu ye Alhou no muzusutsukeu ipi shikumtotsu ani. Hile Baibel lo tungkuputsaqo shikupuveke hami kiche piyesutsu ani:

- A. Ayeghiqha lo akukaqha bidi ipeghinikeu pichho puwotsu: Babylon, Medo-Persia, Greek, eno Rommi (**Danel akihedo 2, 7, 8**).
- B. Aghutou Cyrus no Babylon leluvenani ipi pua (**Isaya 45:1-3**).
- C. Babylon kutsaveke thiuye tile timi kughunamove nani ipi pua (**Isaya 13:19, 20; Jeremiya 51:37**).
- D. Egypt ye shiyehqo gholo ahza tsukulupu lakhu lo ikughimovenani ipi pua (**Ezekel 29:14, 15; 30: 12, 13**).
- E. Ayeghi ithanani eno ahakusapuqo no alau alau shivenani (**Luk 21:25, 26**).
- F. Aqho lo kukumusuqo mikhevenani, eno ashekha tsalaqolo kichileu ghunguqono ithathuve nani (**2 Timothi 3:1-5**).

## 4

## Baibel no ayeghiqha lhoayeh ghili pikeu phuiko ghi tipau shikumtotsu keshea?

Baibel no pikeuno, "Otsa ye qeti kuchouke" (Leshele 119:160).

**Khoikichile:** Iye. Akimithe Ghungu no Baibel kiyehmiqo lolo muzusutsuno kuchou tsa piqhi puani. Hile phuiko no Baibel lo tsa shikumtotsukeu hami kichetsu ani:

**A. "Pano ayeghi pesu kiumu kuhakeu lo pufupe qhive" (Job 26:7).**

Puloshohqi Aqau Baibel lo Job no pikeuye phuikotsa pike.

**B. "Paye ... ayeghi liho shou iqa ani" (Isaya 40:22).**

Phuiko no ayeghi ye chopumuloi ani ipi phuphelumphi zuuno Baibel lono ayeghi ye chopumuloi lhosupuakeu ghili pi ani.

**C. "Amulhu mighiju" (Job 28:25).**

Phuiko no hipau ghili phuphelumphi zuuno Baibel lono amulhu kimishi mighijukeu ghili piani.



## 5

## Baibel no ashiahji ghili pikeu ishi tiqheli kutolo tiye achipi ipi aphikeshea?

Baibel no pi, "Ino kimiyecekemiyo, nonguno aghungu lo thuulu akeu toi, niye nongu pelo thime kumtsu lo nongu shiahji akivi lo qhipuache penishi ani" (3 Johan 1:2).

**Khoikichile:** Alhou ye Pano lhosupuakeu lhoxuqo pelo ashiahji kivi lo xu apenishi. Hile Baibel lono ashiahji akivishi qhipuanikeu yehza akimithe muzusutsu keu lono kichetsukeu hami tsu ani:

**A. "Aba apujoqo chhuqhovelu" (Zakiniu 23:12, 13).**

Ampe qhethonhe qhethonhe zuuno Muse no Israel nuliqo ahza tsukeuno aghazu launo khalau kubakupujo shi, eno tipaqo ayeghi lo chhuqhovelu pi ahza tsu. Kubakupujo akivishi kutsuvmokeu lono akusu lhokusa paikhavi aqha kumtsu lo kitixewove cheni. Baibel lo kukhuayeh papeno mla aye tile vikulu ani.

**B. "Momu ningu ye khilemu shikupusa shupusalha keu kuxu xukepu kumoe" (1 Korinthiami 10:8).**

Shupusalha mithemokeu kuxu ghili **Achine kaku akihedo 18** lo tsupuanike tile phijulo. Baibel no shupusalha keu akumtoshi lakha ani. Hi shikeu lono kipititoti dolo akusu lhokusa kitixevekeu shive chenike ghenguno.

**C. “Chumzu shomzukepu nhemughaqo peitha kevalo” (Aholetsa 23:29-32).**

Baibel kukutsu papeno xu aye alotsunani, eno kuphukulupu kuxu xulunani. Ishi ayeghi hipau lo chukumuzu shokumuzu kuxu xukeu lono pano kibo ixave ani, shomuzupu yeghikulu sakeu lono timi asale kuxu puhave ani, ayehkipemi eno sakiphemiqono shomuzuveku lono timiqo shou amikuchu Xakuthami tsumlaveno kubangu keulo ikughive ani. Kilhikishi kumla lo akikihi achipi lo qhimlavekeu lono amhekiqi kije sughive ani.

**Hi tihilo:** Alhou ye ningu pelo lotsuloghuikeu kuxu lo xu apenishi ani. Ampeu Jisu no tokulupu kuxu ningu tsunani (1 Korinthiami 15:57). Thokha shikulupu kuka ningu tsunani (Filipiame 4:13). Pa tsa kupulumiqo xaphelunikeu lo Alhou kuka ani (Rommi 1:16) Hipau ghili akiphi 13 loghi ithulunani.

**6**

## Baibel xu-lhe yehkikithi ye achipi lo anikeshea?

**Baibel no pi, “Ni Ampeu ye amikuchu lono picheni, thimeqo kumtsu achipi lono pephe piyetsutsu cheni” (Isaya 45:19).**

**Khokichile:** Khanilo ye ninguno ithinishi akeu Baibel xu-lhe lo phumlave cheni, tishi aghiepinamu Baibel lo tsa hami lono hami ghili pipuaghikeu lono phuluve cheni. Tipaqo ghili hi aqhouno hami kichetsu ani:

- A.** Piyekusu lo kuchou tsupuakeqo shou lipi chekemiqono pikeuno, Baibel lo tsaqo ye pulubekumlapu, kughengu tile Hittite shiyeh ghili ghi tsupuanike ghenguno (Zakiniu 7:1). Nineve phughi toikeu (Jona 1:1, 2) momu Sodom phughi toikeu (Bothubo 19:1) Hipaqo ye acheghimokeu shiyeh eno phughiqoke ipi cheni, ikemu ishi aphughi tipaqo no kughuna chekeu ki phughiqo ayeghi chhubidejuku lono phulu akeuno aphughi hipaqo ye kuchouno achekeu ghili phulu ani.
- B.** Pipusa chekemiqono pikeuno (Danel 5:1) lo Belshazzar eno (Isaya 20:1) lo Sargon ye acheghimoke ipicheni, ikemu Baibel no panongu no aighikeu shikumtotsu ani.
- C.** Lipi chekemiqono pikeuno, (Ipekulu 24:4) lo Muse no yeh ipikeu, eno (Ipekulu 14:25) lo khura ghushi kulu pukhu ipikeu ye picheghimoe ipi, ikemu ishi nino phulu akeuye tipaqo picheghikeu phulu ani.
- D.** Aghuloki lakhi lo tile Israel eno Judah lo kukami 39 ache ipikeu Baibel kiyehqo lo ani, ikemu pipusachekemiqo no pikeuno khilemu acheghimoe ipi pipusa acheni. Ayeghi chhujukemiqo no pikeuno, tipaqoye kuchouno acheke ipi Baibel lono pipuakeu shikumtotsu ani.

Pipusa chekemiqo no Baibel pesu kichileuke ipi pipusa acheni, ikemu Baibel lo timiqo, a-aqo, eno panongu kumlaqo phupheLuku lono Baibel lo tsaqo ye kuchouke ipi alau shikumtotsu ani.



# 7

## Kutau kiu lono Baibel ye Akimithe muzusutsukeu ke ipi phuphetsu anikea?

Baibel no pi, “Kuchoyehsu kumtsu Alhou no muzusutsukeu ke” (2 Timothi 3:16).


**Khokichile:** Akumzakepuqo gholo akijeu ye Baibel lo kakuqo kuqhape akeu. Akumzapu kuchouqo ghili kumsukuto julo.

**Bbile lo kaku 66 ani, eno tipaqo lo tsaqo ashekichishi Yekikithi puakeuye akichiqhikepu lakhi.**

1. Ayeghi kokutha kuthu lo
2. Atsa jeli kuthu lono
3. Timi kututa kemi 40 kuto lono yeh puani. Akiyehmi tipaqoye kukamiqono, bherikhemiqono, phuikomiqono, ghushimi shou sakipheu lakhi no, akhakukhamiqono, Achinemiqono, eno shikipivimiqono a-a kututa lono eno adoaghuloki kututa lono yehpuani
4. Hipau yehqhilu keu do ye ampe 1,500 do lono yehkutsulu
5. Akukupuna jeli eno pipusakeu do aghuloki lono yehqhilu
6. Akiyehmiqo ye khiumu khiu sasu kusholumo momu kusutsalumo
7. Akiyehmiqo kighithi eno kuxu kututa kemiqono yeh



**Atsakiviu (gospel) kiyehmiqo ghi titoi timi kututa eno a-a kututa lono yeh, ikemu akumla ghili ye aphiqishi yehphe puani. Panongu kiyeh lo kutuquvekeu eno kughokilekeu kiumu kuha. Lakhino yehkhamovekeu lo lakhiuno shepichhi puatsukeu ithulu ani.**





Timi kututa no, a-a kututa lono eno ado aghuloki kututa lono yeh kemu kaku 66 lo tsaqo ye ashekichishi Yekikithi puakeu ithulu ani. Panonguno yehkhamono qhivekeu shekichi lo kiu kishiye nanikeno kiumu kumsukimighei mono pututa shelo kiu muzusutsukeno ti yehpe qhive.

Hitoikeu ghili pululunikeu ighono akumzapu ke. Ishi kaku kiyehmiqono timi lakhi kumla ghili yehpe kelo kutuquve momu kughokileve keu phulu cheni. Ikemu Baibel ghili kiyehmiqo ye tishimoe. Timi 40 no a-a kututa lono ampe 1,500 dolono yeh, ikemu phujukelo timi lakhi likhino yehpuaghi kepu toi ashekichishi yehpuaghikeu phulu ani, eno tiye kuchouke. "Alhou wu kimithemiqono Akimithe Ghungu no panongu lolo kipekulhutsu eno muzusutsukeu lono yehpe qhitsu" (2 Pitor 1:21). Tile Baibel yehkipheu lakhi ani, tiye Akimithe Ghungu, Kughengu Pano Alhou w kimithemiqo lolo muzusutsuno panongu pelo ashekichishi yehpe qhitsupeke ghunguno.

8

## Baibel ye muzusutsu ipikeu ghili lo timiqo kuxu lo kiu lono michilu anikea?

**Baibel no pi, "Tsutsala khiuana Khristo lono xu aghiaye, paye lhokitheluve kemi lakhi shivae, julo, thime kumtsu akithe shivae" (2 Korinthiami 5:17).**

**Khokichile:** Jisu papemiqono pano kuxu pekiliveno Kuchoyehsu gholu cheghikeu huno Baibel ye Akimithe Ghungu no muzusutsukeu ke ipi phuphetsu ani. Julo, aji shokumuzumi huno alotsu ithughivae, kusalhami huno tsughukhuivae, kusughu chukughuzuve chekemino ililailuvae, piputha eno pipusa chekemi huno sukumusa lo ighivae, msakhokhoshi chekemi huno akumto lo ighivae, eno aghakighidemi huno akumthsami kimiyekinimi lakhi shivae.



# 9

## Puloshoghi aqau (Old Testament) lo Messiah-Khristo ighinikeu ghili tungkuputsa lo pipuakeu pesu Puloshoghi Akitheu lo Jisu kuxu lo kumlaqo sasu kimighijukelo kiuno Baibel ye akimithe muzusutsukeu lakhike ipi kimichitsu anikea?

Baibel no pi, "Muse launo huthuno tungkupumiqo kumtsuno Kuchoyehsu lo thimeqo Pa ghenguno kiu pipuatsu anikeno tipaqo kumtsu pesu Jisu no panongu vilo kishukulushi pitsu" (Luk 24:27). "Apolos no akumtoshi aqo gizulono Judahmiqo lachile eno Kuchoyehsu lo Jisu no Khristo ke ipi tsupuakeu ghili pesu panongu lau pephe piyesutsu" (Apostolmi 18:28).

**Khokichile:** Puloshoghi Aqau lo Messiah – Nukishephe momu kishekiphe ighinikeu ghili tsupuakeuye Nazareth mi Jisu no shikupu anike ipi Jisu eno Apolos pamano mutsumishei pephe piyesutsu ani. Hipau ghili tungkuputsa lo ghuthu 125 shou pipuatsu ani, ikemu hilehi ninguno tipaqo dolo 12 likhi ikhiphetsu anl:

Tungkuputsa	Puloshoghi Aqau lono pitsu	Puloshoghi Akitheu lono shikuputsu
1. Bethlehem lono pununani	<b>Mika 5:2</b>	<b>Mathi 2:1</b>
2. Llimi lakhino punu nani	<b>Isaya 7:14</b>	<b>Mathi 1:18–23</b>
3. David lagha lono ipeghi	<b>Jeremiya 23:5</b>	<b>Piyekusu 22:16</b>
4. Pa kutsavenike phuju	<b>Jeremiya 31:15</b>	<b>Mathi 2:16–18</b>
5. Pa kusamino jechuve	<b>Leshele 41:9</b>	<b>Johan 13:18, 19, 26</b>
6. Ghuka 30 qhuve	<b>Zekharia 11:12</b>	<b>Mathi 26:14–16</b>
7. Cross lo yedave	<b>Zekharia 12:10</b>	<b>Johan 19:16–18, 37</b>
8. Pa phimini ghengu asaqli	<b>Leshele 22:18</b>	<b>Mathi 27:35</b>
9. Pa saghi kutsamo	<b>Leshele 34:20</b>	<b>Johan 19:31–36</b>
10. Kinimi kumoki lo ghove	<b>Isaya 53:9</b>	<b>Mathi 27:57–60</b>
11. Pa kithi mpe, tsala	<b>Danel 9:26, 27; Ipekulu 12:6</b>	<b>Mathi 27:45–50</b>
12. Akuthuni xuithughive	<b>Hosiya 6:2</b>	<b>Apostolmi 10:38–40</b>

Kuchoyehsu lo tungkuputsa qo kijemlakeu kikihiqo gholo Jisu no kutukakulu lono tache likhi shikupulu ipikeuye kiu kea? California lo Pasadena College lo akikihi (mathematics) aqhiaye ghili phuikomi (Astronomy) eno akumla pughu eno kughutsu chekemi (Engineering) lapha lo alakhu mpeu shicheku Dr. Peter Stoner no kijemlakeu kikihi 1,000,000,000,000,000,000,000,000,000,000,000,000,000,000,000-kihipe puzu timi lakhi ye kututakulu lono tungkuputsa tache likhi shikupulu ke ipi kiche piyesutsu. Kuchoyehsu lo Messiah ghili pichho puatsukeu 125 kutolo akeu lo kutukakulu lono tache likhi shikupu kulupu keshea? Kututakulu (by chance) loye khilemu tungkuputsa shikupu mlake.



## 10

## Baibel ye Alhou no muzusutsukeu tsa ke ipi timi lakhino ikhiluvekeu ye pa ghenguno kiutoikeu do kivi kea?

Baibel no pi, “Ino kichimiyo nguno alau vethakulu shilu, kughengu Niye O yehzaqo papechenike ghenguno” (Leshele 119:100). “Nono I pelo ... I ghumiyo nguno alau alokutsuu shilupeke” (Leshele 119:98). Kiutoi kungughaqo no ayeghi nguno alau akiqheu keno, titoi ... o kukumsu nguno alau I kukumusu no akiqheuke” (Isaya 55:9).

**Khokichile:** Alhou tsa ikhiluvekemino ayeghi lo kubangu akeu kighithi pesu inju akeu khochile nike phuchekemi nguno alau tuqhou kutomo khochilekulupu lokutsu ithulunani. Akiqi tsa lo, akuxu kuhakeu thime lauye akuxupu laghi ithuluchemoe. Akuxupu laghi huthunikeu ye Alhou kuka likhike. Itehi phuikomiqono pi akeuno, timino xu akeu hipauye totimi launo ighike ipi acheni, eno tiye Baibel lono pipuakeuke, achipilo pi ani.

Alhou no atsala tsugho lono ayeghiqha hipau lhosu, atsala lakhi lo ayikihedo 24 akeu kiqi lono. Ayeghiqha shou azukucho ighikelo azu lo kua lhosu eno azu shou ayeghi lokua lhosuqo kumtsu putsuqhi khavekelo tile ashuka alou ye kiu a kea? Tipau thiu, Babel lo aqogikhekimomu shikishekeu ki shi ikuchekelono panongu tsa kututa shivetsu puzu shiyeh jeli shi kijevevu.

Alhou ye alho lono tishi acheghikeu Lhou kehu Pano thime kumtsu ghili ithi ani. Pano Baibel lo Pa tsaqo pesu ningu lau kusajetsumonapi aye ningu kutoshiye Pa tsa tipaqo vethalumonani ipikeu Pano ithi ani. “Alhou kighithi ghiliye phuilo tokumlapu lakhike” (Rommi 11:33). Baibel ithilo, tishiaye noye ayeghi lo lokutsumiqo nguno alau azuu checheghinanike.



# 11

## Itodolo shi ipeghi akeu kuka no Baibel lo kuka sasu kumugho kulupu keshea?



**Khokichile:** Ayeghiqha shou Alhoayeh no shikupusa eno ahakusapu suighi akeu hu kihikhamlavea. Ayeghiqha lo kichikulu keu kumla huno ihulovea. Ayeghiqha shou hitoikeu shi ipeghikeu huno ayeghi kishekhavenikeu michipu tsu anike ipi Baibel lono pichho puatsu ani. "Ayeghiqha lo kughuna kuami shiyehqoye aghime kitikki hitoikeu shoLuklo panongu vehu izuvenani, panonguno azughi lo zu kucholekeu ghugha kumzapu shikeu chilunani" (**Luk 21:25**).

2004, liphiqui (December 26 lo azughi zu kucholekeuno kichekiPiyekusu lakhi shipuani. Tile timi 250,000 shou thive eno puhave. Alhoayeh no ahakusapu suighikeu gholo ishi tiqheli hipaulo timi xu-lhe lo highi akumzapu lakhi

shipuani. Hipau thiu ampe lakhi lo pasapagha mulhu huno Orleans akitheu ghakhu vechesu mulhu ighikeu lono Jisu no tungkuputsa lo "amulhu kuka no azughi fukuchole nani" ipi puakeu kumsulu.

Baibel no, "shiyeh lakhino lakhi sasu kumughokile nani" (**Mathi 24:7**) ipi puakeu toi, 2001 September 11 lono ayeghiqha kilhikishi mta shichekeu shikikishe ki kutsavetsukeu lono timiqo ye ayeghiqha lo khiuno shiyehmu sukusho kuhavea kena ipi kumsuve. Middle East lo kukupuna huno tamomitheve. Timiqo dolo kichikuluke huno ihulove keu huno Baibel lo akumto eno lajupu tsupuakeu hu timi lolo kuhave.

Tile timi kutomono ayeghiqha hipau ye "ilhoipeghikeu" (evolution) kumo puzu "Ihosukeu" (creation) ke kumokeshia ipi inju thuve. Jisu no inju akeuno, "Kughou timi Nu no ide ighinikeno tile akupulumi lakhi likhimu aghimonani keshea?" (**Luk 18:8**) Ayeghiqha Lhou no ide ighikelo Pano Ihosu puakeu yeghiqha hipau lo Pa pulukmi kutomo aghikeu Pano phulunani.

Tighenguno, ishiye tilehi Alhou (Creator) kuhae ipichekemiqo kutomono tilehi thime thokha Ihosukeu Lhou (Creator) lakhi anie ipi puluuvea. Tipaqo gholo Fred Hoyle eno ghuthu lakhi tile Alhou kuhae ipi kutsukeu lo timi tsabo-ake shichekeu Antony Flew no pikeuno tile Alhou ani putsa ipivea.

Ilhoipeghi ke ipikeu kukutsumiqono timi ye ashuki launo ilho ipeghike ipi kutsuche, Ikemu Baibel no pikeuno timi ye Alhou no Pa juakoghe, Pa kimihi lono Ihosu puakeu pipuani. Timi ye axine shive pinamu tsutsala pano pa Lhou lau xaide ighive aye paye Ilokta kuxu lo xulunani ipikeu bekutha qhipuatsu ani.

Baibel lo tungkuputsa ashekichishi shikupu ighivekeu lono ilhoipeghi (evolution) ipikeu kukutsu hu theghivea, eno hipauno noye Alhou tsa shou pulubelunikeu nepa lakhi shivetsuake.




# 12

## Baibel ye kiushiye o ghenguno ashekha kuhakeu lokivipu eno lokughunopu ithu Lukepu laghi lakhi shitsukea?

Baibel no pi, "O tsano l pukhu lo kulu eno l nepa lo kuvu lakhike" (Leshele 119:105). "Thime hipaqo ghili lno nongu vilo pivea, tiye nongu lokivi chhitoilunani" (Johan 15:11). "Alhou julho lono Pano panongu mla" (Bothubo 1:27). "O kuvu pesu timiqo zulo yepuvutsulo, tishiye panonguno o kumla kivi ithuluno nongu pa Puh kungugha lo kuau jukuvupu shitsunanike" (Mathi 5:16). "lno ide ighieno nongu l gholo sasu wunani, eno lno khilehi ngonikeno tilehi nongu ghi ngopenani" (Johan 14:3).

**Khokichile:** Atsa hipaqoye ningu kuxu lo avehu izuchekeu injijukeu lakhike.



- A. Niye khilauno ighikea?** Alhou no Pa julho lono ningu lhosu puani. Ningu ye kiumu aqiqi kuhano mlalei kutukakulu lono ighike kumo. "Ningu ye Alhou nuliqoke" (Galatiami 3:16). Pa nuliqo ye Pa ghenguno ighono akughupu eno akiviu ke, ningu pelo tishi Pa gholo xuchepenikeuno Pa kupuloke.
- B. Niye kiushiye hile anikea?** Baibel no ningu kuxu kimiji pitsu ani, tokhoi eno kupukulaikeu Lhou huno ningu luthu lakhi kuxu lo kushokutsu kumtsu khochiletsu, Jisu no axine launo ningu xaphelutsu eno xakulu pesu ningu tsu, eno ningu pelo tsala kipe kuxu lo Pa kuxu kimihl lo xuchepenikeu shitsuke (Rommi 8:29)
- C. Ighinikeu lo l ghenguno kiu kutopuatsu anikea?** Noye tipau vehu injiu akepu kiumu kuha. Nono ishi alokivishi eno alokughunoshi xu akeu nguno alau, Baibel no pikeuno, Jisu no itheno ide ighieno Pa wu timiqo Pa gholo sasu wuno panongu ghenguno kungugha lo akichiqhikepu ki kutopuakeu lo qhinani (Johan 14:1-3) Tile panongu lokivi ye aqiqheu shinani. Noye Alhou nhekithe lo lhokta xu achenani (Piyekusu 21:3, 4)

# 13

## Akuxu lo avehu izuchekeu khokichile ithu Lukepu ghenguno noye Alhou shikimithi anima?

**Nono khochilenikeu:**

# Nono Iniju Keu Khochiletsu Ani

## 01. Baibel lo kumsapu xine ipi akeu ye kiu kea?

**Khokichile:** Baibel lo axine ipi akeuye Alhou kichikumsakeu, Alhou khukeu, eno Alhou yehza hexavekeuke. Alhou no ningu vilo axine sasu kichighi lo pi ani. Baibel lono akivi ngo alhokusa kuma kinikujo ghili pitsuani. Baibel ye khiu ghilimu kusuvetsu chemo. Satan no timiqo mulo lo panonguye axinemike, Alhou ye panongu xamlanani eno xalumonanike ipi pisuvetsu cheni. Wovekeu lo kiu shi ipeghikeno tipaqo ghili ningu pelo ithipenike ghenguno yehpuatsu ani, ningu pelo tipaqo shou kutuu kulu shieno pulubeLuku vechewono lajupu qhilupenike ghenguno **(Rommi 15:4).**

## 02. Baibel ye qhoi muzustsu keo saje hami likhi muzusutsu kea?

**Khokichile:** "Kuchoyehsu kumtsu Alhou no muzusutsu, eno tipaqo ye pesu kutsupiyekupu lo, shikithetsu kepu lo, shikumuzutsu kepu lo eno amikucho lono hepho piyesutsu kepu lo allah shilu chenike" **(2 Timothi 3:16).** Baibel lo Alhou tsa anike ipikeu likhi kumo, ikemu Baibel ye Alhou tsake. Baibel lo timi kuxu ghenguno mlakepu ghili yehpithi puatsu ani, hipau shinikeu kughuchovekeu lono okuxu ye amekuhakeu shive eno adou ghime shive cheni.

## 03. Khaghi w kaku ye pukhube mlaveake ghenguno ishi ningu ye tipaqo papemono qhivelu nani keshea?

**Khokichile:** Moe. Tiqheli tiqheli lo Baibel pekishi ighi akeu kiqiye hiye Alhou no muzusutsuno yehpe qhitsukeu kiqi phuphetsu anike. Hipau ghili hitoi pitsu ani, "Ampeu tsa ye alho lo, Lhokta lo tishi achenani" **(1 Pitor 1:25).** Baibel ye atuitu lakhi toi alhokuthu lo puthugho achenani, hipauye khilemu shipusavemo nani. Timiqono Baibel ikhilumono pesu pitilevetsu eno peivetsu, ikemu pano likhi pano shou shikupusa suighiluke. Timi tipaqo ye kuhavea, ikemu Baibel ye ishi kutolo puthugho api, eno tishi lhokta achenani. Alokutsumiqo no tipau phi eno papenike phuju acheni. Baibel ye Alhou tsake, eno ishi ningu ghenguno tsupuanike. Nono Baibel lhaphepe phimpfi zuuno o mulo khaqhi Alhou lau akighini shieno philo. Tishiaye Pano o lolo ghi muzusutsunani.

## 04. Ayeghi lo akighithimi kutomono pulumokehu Baibel vethalu chemo, tsutsala Baibel ye kuchouno Alhou tsa shi aghiaye kumtsuno vethaLukupu ke kumoke shea?

**Khokichile:** Kutomono Baibel phiju anamu akiqiqo ye vethalu chemo, tipau kiqiye aghungu lo w thimeqo ye aghungu lono michi kututa shitsunanike **(1 Korinthiami 2:13, 14).** Alhou tsa lo thime ithikuthoqo ye ayeghilomi kukumusu loye pano kiu kiutoi alokutsu shi aghie pinamu vethailo tolumonani. Timi lakhi ye Alhou Kimithe Ghungu kukuphu sumoke loye Alhou wu thime kuthoqo vethalumonani. Akimithe Ghungu likhino Baibel hepho piyesutsu nani **(Johan 16:13; 14:26).** Akuchunumi eno amulo kumthsamino kuchouno Baibel ithinishi phucheghi aye Alhou Kimithe Ghungu no akichiqhikepushi pano lau vethakulupu tsunani. **(Mathi 11:25; 1 Korinthiami 2:9, 10).**

## 5. Hamino pikeuno, tile Baibel lo pimikeu tsa kutomo anike atsa tipaqo ye kishieno Alhou no muzusutsukeu ke ipilu nanikea?

**Khokichile:** Baibel lo kutomo pimikeu ani ipi akeuye pano kutoshi xathapimivekeu lono eno vethakulu mikhemuzuve keu lono pimikeu aniepi muchhomunukeu shicheni kethono tile Baibel lo kiulonomu pimi ani ipiLukupu kuha. Kuchou kiqi vethamlavekeu lono pimi ani ipi anikethono Baibel ye kuchouno Alhou no muzusupuatsu anike.




1. Baibel ye alhokuthu o vilo kuchou likhi pitsu acheni,
2. Baibel ye khilemu o saphepimimo nani,
3. Baibel ye o pelo tokhoi pulubelupe nani,
4. Baibel ye o pelo pukhubelu eno aghungu lo, xu-lhe lo, eno phuiko kumlaqo lo yehpekuka kichetsukulupu lakhike ipi ithipenani.

Tile pimivekulupu laghi lakhi akeuye akiyehmi no juno yeLuku lono yehpimivekeu shive cheni, eno tipau ghenguno Alhou no muzusutsukeu Baibel kuchopu pesu pimivekeu shivemla. Akukutsu (Doctrine) lakhi ye Baibel tsajo lakhi shouno puthu puamo, ikemu Akimithe Ghungu no muzusutsukeu lono puthu puani. Kuchouno Baibel lo thimeqo gholo hamiye pekuqhamla kepu ani, eno tipaqo lo lipive kulupu ghi ani. Tishi aghie pinamu akupulumiqono akupulu lono Alhou no panongu lolo muzusutsuno vethakulupu lo sasu ighive cheni. Akuvu alau akijeu ithuluve cheni.

### **Hilehi okukumsu eno injuakeu pitsulou**



01



02



03



04



05



06



07



08



09



10



11



12



13



14

## Akhiphi hipau ghi akhiphi kichekutsu 14 gholo kakhi ke.

Akhiphi kumtsu lo akumzapu kuchouqo, khipauno o kuxu eno no kibolomiqo kuxu pekilivetsu kulupu ani eno tipauno nongu sasu lhokta jajupu lo ighikulupu ani. Akhiphiqo gholo lakhimu vezuvekeu shikevilo.

**Akhiphi kichekutsu 01:** Tile nono pulubekulupu kiuana qhiveakeshea?

**Akhiphi kichekutsu 02:** Alhou ye Tughami lhosukeshea?

**Akhiphi kichekutsu 03:** Akithi laono xapheluve

**Akhiphi kichekutsu 04:** Tsutsu yeghiqha dolo Aphughi kije

**Akhiphi kichekutsu 05:** Alokivi kulakupu tsapi

**Akhiphi kichekutsu 06:** Atulaphaqo shou yehpukutsu

**Akhiphi kichekutsu 07:** Xu-lhe lo atsala lakhi puhavekeu

**Akhiphi kichekutsu 08:** Qhoi xapheluve -Jisu Khristo ideighini keu

**Akhiphi kichekutsu 09:** Akutsughu eno Akuka

**Akhiphi kichekutsu 10:** Kithimi ye kuchouno thiveakeshea?

**Akhiphi kichekutsu 11:** Amiyizu ye Tughami pichepuani keshea?

**Akhiphi kichekutsu 12:** Alokughuno mpe 1,000

**Akhiphi kichekutsu 13:** Alhou no ashiahji kivi kupughu shitsu

**Akhiphi kichekutsu 14:** Aghokulu ye ayezza lakhi shiveakeshea?

Kughou no no atughiu Akhiphi Kichekutsu-u 14 pihigive nikeno itaghi niu mlakiphe akiyeh lono khulo:

Amazing Facts India, Post Box No 51, Banjara Hills, Hyderabad-500034

Kimiyepe Summary Sheet hipau kishékha mphí zuwuno akíphi phíjúlou. Khókichíle kumtsu akíphi kíkhekutsu lono íthulunani. Chejuno achípiu khókichíle lo sutsulo. **Akíkíhi parentheses lo píyepuakeu (1) no khókichíle achípiu ke.**

**Form típau píchiveníkeu ghenguno kímíye pu “*Adobe Reader*” peíthalo.**

- 1) **Baibel ye Alhou no muzusutsu ipíkeu tungkuputsa khipauno shíkuputsu aníkea (4)**  
Cyrus no Babylon léluve  
George Washington no United States lo  
Kedage shíluve  
Egypt ye akíníu shíyeh saphe lukupu kumto  
shímlave  
Ashékha tsalaqo lo tímíqo qholo kúkumsuqo  
akíqíu lo íghivenani  
Germany lo ampe 20 kutolo níha shíve  
Babylon kutsaveke thíuye akíníu kughuna íde  
lukupu shímlave
- 2) **Baibel ye muzusutsukeuke ípí Jísu no Pa  
kupulu lono pephe píyesutsu keu ye (1)**  
Hipau ghíli íghono asheshu pí  
Pa kúkutsuqo ye hípaqo launo yehphelu  
Lípíkémíqo shou amí íkughí  
Achínékí lo nepaqo shou íkuno hípaqo ghíli  
píkúlhatsu
- 3) **Hí aqhou yehpuakeu lo phuíko  
khipauno Baibel lo kuchou akeu  
kíchetsu aníkea? (2)**  
Ayeghí ye chopumuloí  
Amulhu ye akímíshí (weight) aní  
Azu ghola pesu “H<sub>2</sub>O” ípíchení  
Azughí lo zu ye qhuqhumuzai
- 4) **Which of the following health rules  
appear in the Baibel? (2)**  
Atsala lo azukímíghíbo (gallons) 4 yelo  
Akuputsu jí shokevílo  
Ina kíjílí polo  
Salhakevílo
- 5) **Baibel ye kuchouke ípíkeu kíqí hámí  
kíchetsu aní (3)**  
Tímí 40 kutolono Baibel yeh  
Baibel ye ampe 10,000 dolono yeqhílu  
Baibel lo saje hámí líkíhi muzusutsu  
Kuchou Baibel kíyeh wu ye Akímíthe  
Ghungu ke  
Baibel ye akíqíheu shí je achení
- 6) **Baibel lo Messíah ghíli píchho puwo  
puatsukeu ye khipaqo kea? (3)**  
Nazareth lono pununani  
Kungugha lo ye íkuvenani  
Ghuka 30 lono jechuve  
Herod no Pa heqhíveníke phuju  
Cross lo yedavenani  
Ampe 7 thíuye xuithughíve nmáni
- 7) **Baibel kíu lono tsutsala Pa papelu aye  
AID kusu susholunani ípí puaníkea? (1)**  
Salhakevílo  
Kuxusuke júlho mllá kevílo  
Tamono ílhu chelo
- 8) **Hí aqhou tsupuakeqo lo khíkíhuono  
ílhóípeghíkeu (evolution) ghíli  
kuchoukea? (2)**  
Híye kumsuílo tokumlapu lakhíke  
Híye Khrísto chínéh –(Christianity) no  
pechemokeu eno puluchemokeu ke  
Hipau (evolution) no tímí ngo ashúkí pama  
apuh ashu kughúko lakhí ípí phuphetsu aní.  
Tímí ye ashúkí launo ílho ípeghíke ípí chení.

- 9) **Hi aqhou tsupuakeu tsa khikhiuno Baibel ye Alhou no muzusutsukeu ke ipi phuphetsu anikea? (5)**  
 Hipau no timi xu-lhe lo akivi akusa kuqhape akeu pitsu cheni  
 Hipauno timi kuxu pekilivetsu cheni  
 Puloshohqi Aqau lo Messiah ghili pipuatsukeu hu Jisu no shikupuve  
 Akukaqha 4 ipeghinikeu pitsu  
 Akichiqli kepu kuqhakulu shike  
 Jisu ide ighinikeu do eno atsala pipuatsu ani
- 10) **Baibel kiqi lono Alhou no atsala 6 lo ayikihedo 24 kiqi lono ayeghi mlaqhive. (1)**  
 Kuchou. Kichileu.
- 11) **Noah tsala lo axukucho ighikelo azughi lo lhoxuqo eno ashuka lo akeqo thono kutauye qhoi putsuqhi khave. (1)**  
 Kuchou. Kichileu.
- 12) **Ayeghiqha lo atsajeli ye Babel lo aki shikishekeu lono huthuve. (1)**  
 Kuchou. Kichileu.
- 13) **Akuxu lo avehu izuchekeu ghili injukeu lo khochiletsukeu ghenguno niye ighono Alhou shikimithi ani.**  
 lye. Moe.

**Kungu inju puakeqo achipilo khochile tsulo!**



**Tilehi kihisuvani keghenguno oje, email eno thepiu kikihi sulou.**

Owu akiphi kichekutsu KUMUSA no ithuluni keghenguno "Sulou" lo inalo.

<b>Oje :</b>			
<b>Owu Email :</b>			
<b>Thepiu kikihi :</b>			
<b>Okungo-a :</b>			
<b>Aphugui, District :</b>	<b>State :</b>	<b>Aghaqhu :</b>	
<b>Pin :</b>	<b>Apunu mpe amqo:</b>	<b>Gender :</b>	

Anile shi no kusutsa nikeu tipau tsulou